



Inatsisartuni ilaasortaq
Anthon Frederiksen,
Partii Naleraq

§ 37 naapertorlugu apeqquut nr. 85, 2016-imut akissutit

Inatsisartut suleriaasianni § 37 naapertorlugu makkuninnga apeqquteqarputit:

1. *Uran pillugu tusarniaaneq Naalakkersuisuniit peqataaffiginiarneqarpa?*

Akissut

Christiansborgimi 16. marts 2016-imi nunatsinni uranimik piiiaaneq pillugu Folketingets Grønlandsudvalgimi ingerlassaani kikkunnut tamanut ammasumi Naalakkersuisuni Siulittaasoq peqataanissaminik nalunaarsimavoq.

2. *Uran nunatsinni piiarneqalissagaluarpat, qanoq ilillugu Naalakkersuisut qulakkeerniarpaat, uran nunatsinneersup sakkussanut ulorianartunut atorneqannginnissaa?*

Akissut

Kalaallit Nunaannit uranip siunissami piiarlugulu annissornissaa pillugu suleqatigiinnissaq pillugu Naalakkersuisut aamma danskini naalakkersuisut 2016-imi januaarimi isumaqatigiissutinik atsiuipput.

Sillimaniarnermik aamma annissuineramik nakkutilliinerit pillugit Kalaallit Nunaannut inatsisissatut siunnersuutinik saqqummiussisoqarnissaanik isumaqatigiissutit isumaqarput. Inatsisissatut siunnersuutit ilaatigut Det Internationale Atomenergiagenturimut nunat tamalaani pisussaaffigisaminnik Kalaallit Nunaata aamma Danmarkip naapertuutsitsinissaannik qulakkeernissapput. Taamaalillutik inatsisissatut siunnersuut taakku marluk tamarmik siunertaraat Kalaallit Nunaannit uranip taamaallaat sorsunnerunngitsumut siunertamat atornissaasa qulakkeernissaat. Inatsisissatut siunnersuut taakku marluk Folketingimi inaarutigalugit oqaluuserinissaat sioqqullugit UPA2016-imi oqaaseqaatigisassanngorlugit saqqummiunneqassapput.

16. marts 2016
Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail:
isiin@nanoq.gl

3. *Tusarniaanissamut pilersaarusiorneq nunatsinni Naalakkersuisuniit qanoq peqataaffigineqarpa?*

Akissut

Christiansborgimi tusarniaatitsineq Folketingets Grønlandsudvalgianit ingerlatassanngortinneqarpoq, aammalu Folketingimit piareersagaallunilu ingerlatarineqarluni.

Tusarniaaneq soqutigisaqaqatigiinnit paasisimasaqarluartunillu oqallisissianik arlalinnik imaqassasoq ilisimatitsissutigineqarpoq. Ilaatigut Dansk Institut for Internationale Studierimit, Aningaasaqarnermut Siunnersuisooqatigiinnit, Greenland Minerals & Energymit, kiisalu Avataq'mit oqallisissiamik saqqummiussisussat Grønlandsudvalgip qaqqusimavai.

Tusarniaanermut Naalakkersuisut peqataanatilluunniit piareersarneranut ilapittuuteqarsimanngillat.

4. *Uran-imik nunatsinneersumik nunanut allanut tuniniaanissami Danmark Naalakkersuisuniit ikiortiserineqarpoq, taama sullinneqarnissaq nunatsinnut qanoq akeqassava?*

Akissut

Uranimik siunissami piiasoqarlunilu annissuisinnaanermut atatillugu danskit aamma nunatsinnit pisortat akornanni akisussaaffeqarfinnik suliassanillu agguataarinerit isumaqatigiissutit taakku sisamat erseqqissaavigaat. Taamaattumik isumaqatigiissutit imminerminnik Kalaallit Nunaannut aningaasartuutunik nutaanik pilersitsinngillat.

Inussiarnersumik inuulluaqqusilluta


Vittus Qujaukitsoq